



JAMBATAN Pulau Setelu di Gua Musang, Kelantan ditenggelami banjir akibat hujan lebat, semalam. - UTUSAN/ AIMUNI TUAN LAH

Jambatan Pulau Setelu tenggelam

GUAMUSANG 18 Jan. - Biar pun cuaca cerah namun jambatan sementara yang menjadi penghubung utama penduduk Gua Musang dan Jeli di Kampung Pulau Setelu di sini dinaiki air walaupun kawasan itu tidak hujan, hari ini.

Hujan lebat di kawasan pedalaman daerah ini dipercayai penyebab utama jambatan itu tenggelam kira-kira satu meter dan tidak boleh dilalui kenderaan.

Pentadbir Mukim Dewan Un-

dangan Negeri (DUN) Nenggiri, Ahmad Kamizi Jalil berkata, air sungai naik secara mendadak kira-kira pukul 11 pagi ini dan sehingga petang ini paras air semakin meningkat dan tidak dapat dilalui oleh kenderaan.

"Ketika ini cuaca panas tetapi air semakin melepasi jambatan akibat sisa kayu dan sampah dari kawasan hulu telah tersangkut pada jambatan," katanya di sini hari ini.